



ЗАЩИТНИК НЕБЕСНЫЙ

МОЛИТВОСЛОВ



КАНОНЫ ОБЩИЕ
КО ВСЕМ СВЯТЫМ
НЕБЕСНЫМ
ПОКРОВИТЕЛЯМ

ПРАВИЛО
КО СВЯТОМУ
ПРИЧАЩЕНИЮ

ДЕНЬ АНГЕЛА
(ИМЯСЛОВ)

Сборник

Защитник небесный. Молитвослов

Православное издательство "Сатись"

2002

Сборник

Защитник небесный. Молитвослов / Сборник — Православное издательство "Сатись", 2002

ISBN 5-7373-0207-5

Новый молитвослов «Защитник небесный» предназначен для келейного чтения. Впервые, кроме традиционных молитвословий (утреннего и вечернего правила, молитв в продолжение дня, последования ко святому причащению), в нем помещены также общие каноны ко святым небесным заступникам, прославленным Церковью. Каноны общие печатаются в русской транскрипции в текстологическом соответствии с Общей Минеей (Издательство Московской Патриархии, 1998 год).

ISBN 5-7373-0207-5

© Сборник, 2002
© Православное издательство
"Сатись", 2002

Содержание

Чин чтения канонов	7
Канон Ангелам и Архангелам	9
Канон всем святым	13
Канон общий пророку единому	17
Конец ознакомительного фрагмента.	21

Защитник небесный



*По благословию
Митрополита Санкт-Петербургского и Ладожского
ВЛАДИМИРА*



КАНОНЫ ОБЩИЕ КО ВСЕМ СВЯТЫМ

НЕБЕСНЫМ ПОКРОВИТЕЛЯМ

ПРАВИЛО КО СВЯТОМУ ПРИЧАСТИЮ

ДЕНЬ АНГЕЛА (ИМЯСЛОВ)

* * *

Как молиться своему небесному покровителю, если молитву и акафист ему не найти? Такой вопрос возникает довольно часто, поскольку многим православным святым молитвы не составлены или встречаются крайне редко.

Как обратиться к святому, имеющему особую благодать помогать в какой-либо немощи и скорби житейской, если молитву ему не найти в молитвословах? Где найти молитвы тем святым, которые недавно прославлены Церковью, если службы им еще не опубликованы?

Для разрешения подобных вопросов у православных христиан существуют общие молитвословия, составленные ко святым одного лика.

В этой книге вы найдете общие каноны и молитвы: пророкам, апостолам, святителям, преподобным отцам и женам, мученикам и мученицам, безмездникам и чудотворцам, Христа ради юродивым. Здесь также помещен указатель имен православных святых с обозначением дней празднования их памяти и объяснением значений имен.

В общих канонах раскрываются подвиги, свойственные каждому лику святых. Их содержание может не совпадать с внешними событиями из жизни какого-либо святого. Например, не всех мучеников терзали дикие звери и не всех водворяли в огненную печь, но эти мучения по своим свойствам прообразовывают иные испытания, которые претерпевали святые.

Читая общие каноны и молитвы, необходимо вставлять имя святого заступника, к которому Вы обращаетесь, вместо указанного в тексте канона слова имярек.

Чин чтения канонов

Общее начало чтения канонов

Бже, очисти мя, грешнаго. *(Поклон)*.

Создавый мя, Господи, помилуй мя. *(Поклон)*.

Без числа согреших, Господи, помилуй и прости мя, грешнаго. *(Поклон)*.

Молитвами святых отец наших, Господи Иисусе Христе Бже наш, помилуй нас. Аминь.

Слава Тебе, Бже наш, слава Тебе. Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны и очисти ны от всякия скверны, и спаси, Блаже, души наша.

Святыи Бже, Святыи Крепкий, Святыи Безсмертный, помилуй нас. *(Трижды)*.

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святыи, посети и исцели немощи наша, имене Твоего ради.

Господи, помилуй. *(Трижды)*.

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесех, да святится имя Твое, да приидет Царствие Твое, дабудет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Господи, помилуй. *(12 раз)*.

*Слава, и ныне:*¹

Приидите, поклонимся Цареву нашему Богу.

Приидите, поклонимся и припадем Христу, Цареву нашему Богу.

Приидите, поклонимся и припадем

Самому Христу, Цареву и Богу нашему.

Псалом 50

Помилуй мя, Бже, по велицей милости Твоей. И по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе Единому согреших и лукавое пред Тобою сотворих, яко да оправдишися во словесех Твоих и победиши внегда судити Ти. Се бо, в беззакониих зачат есмь, и во гресех роди мя мати моя. Се бо, истину возлюбил еси: безвестная и тайная премудрости Твоея явил ми еси. Окропиши мя иссопом, и очищуся; омыеши мя, и паче снега убелюся. Слуху моему даси радость и веселие: возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Бже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Бже, Бже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо:

¹ Вместо «Слава»: «И ныне» следует читать полностью «Слава Отцу и Сыну и Святому Духу», «И ныне и присно, и во веки веков. Аминь».

всесожжения не благоволиши. Жертва Бóгу дух сокрушен; сердце сокрушенно и смиренно Бог не уничижит. Ублажи, Гóсподи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая, тогда возложат на олтарь Твой тельцы.

Символ веры

Вéрую во единого Бóга Отца, Вседержителя, Творца небу и земли, видимым же всем и невидимым. И во единого Гóспода Иису́са Христа́, Сы́на Бóжия, Единоро́днаго, Иже от Отца́ рожденнаго прежде всех век; Света от Света, Бóга истинна от Бóга истинна, рожденна, несотворенна, единосущна Отцу́, Имже вся быша. Нас ради человек, и нашего ради спасения, шедшаго с небес, и воплотившагося от Дúха Свя́та и Марíи Дéвы, и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и седяща одесную Отца́. И паки грядущаго со славою судити живым и мертвым, Егоже Царствию не будет конца. И в Дúха Свя́таго, Гóспода, Животворящаго, Иже от Отца́ исходящаго, Иже со Отцém и Сы́ном спокланяема и сславима, глаголавшаго пророки. Во едину Свя́тую, Соборную и Апостольскую Цéрковь. Исповéдную единокрещение во оставление грехов. Чаю воскресения мертвых, и жизни будущаго века. Ами́нь.

Далее читается канон.

После канона:

Достойно есть яко воистину блажити Тя, Богорóдицу, Присноблаженную и Пренепорочную и Мáтерь Бóга нашего. Честнейшую Херувím и славнейшую без сравнения Серафим, без истления Бóга Слова рождшую, сущую Богорóдицу Тя величаем.

Трисвятое, по Отче наш.

Гóсподи, помíлуй. (40 раз).

Честнейшую Херувím и славнейшую без сравнения Серафим, без истления Бóга Слова рождшую, сущую Богорóдицу Тя величаем.

Сла́ва, и ны́не: Гóсподи, помíлуй.

(Трижды). Гóсподи, благослови.

Гóсподи Иису́се Христé, Сы́не Бóжий, молитв ради Пречистыя Твоéя Мáтере, преподобных и богоносных отец наших и всех святы́х, спаси мя, грéшнаго. Ами́нь.

Бóже, очíсти мя, грéшнаго. (Поклон).

Созда́вый мя, Гóсподи, помíлуй мя. (Поклон).

Без числа́ согреших, Гóсподи, помíлуй и прости́ мя, грéшнаго. (Поклон).

Канон Ангелам и Архангелам

Тропарь, глас 4

Небесных воинств Архистратизи, молим вас присно мы недостойнии, да вашими молитвами оградите нас кровом крил невестественныя вашея славы, сохраняюще ны припадающия прилежно и вопиющия: от бед избавите ны, яко чиновначальницы вышних сил.

Величание

Величаем вас, Архангели и Ангели и вся воинства, Херувими и Серафими, славящии Господа.

Или сие: Величаем вас, Архангели, Ангели, Начала, Власти, Престоли, Господствия, Силы и Херувими, 14 страшнии Серафими, прославляющии Господа.

Глас 8. Песнь 1

Ирмос: Песнь возснем, людие, чудному Богу нашему, свободившему Израиля от работы, песнь победную поюще и вопиюще: поим Тебѣ, Единому Владыце.

Припев: Святии Архангели и Ангели, молитвѣ Бога о нас.²

Вси воспоем, людие, вся направляющую невестественныя лики вышняго чиновначалия, Трбицу Несозданную, поюще: Свят, Свят, Свят еси, Боже Вседержителю.

Положил еси тварем начаток существо безплотное, Творче Ангелов, Пречистый Твой Престол окружающа, звати Ти: Свят, Свят, Свят еси, Боже Вседержителю.

Радуйся, Гаврииле, Божия воплощения возвестителю, Михаиле же, чинов невестественных предстателю, непрестанно зовуще: Свят, Свят, Свят еси, Боже Вседержителю.

Припев: Пресвятая Богородице, спаси нас.

Богородичен:

Трепещу таинства, Христѣ, Твоего схождения, яко иже естеством Бог, приял еси от Дѣвы родитися яко человек, да спасеши мир от работы сопротивнаго.

Песнь 3

Ирмос: Страх Твой, Господи, всади в сердца раб Твоих, и буди нам утверждение, Тя во истине призывающим.

Крепостию оставил еси, безсмертне, сильныя, совершающия Пресвятое Твое хотение, Тебѣ вышних всегда предстоящия.

Ходатаи Твоего вочеловечения и честнаго возстания, ангельския чиновначальники, Христѣ, за ны приими молящияся.

² В канонах припев как молитвенное воззвание произносится перед первым, вторым (и третьим, когда он есть) тропарем каждой песни, но не читается перед тропарями, начинающимися со «Слава:» и «И ныне:».

Ангелы приставил еси хранители человеком, яко благоутробен, служители же показал еси, Христэ, спасения Твоим угодником.

Богородицен:

Неизречено рождши, Богоневесто, Спаса и Господа, избави нас от тли, Тя воистинну призывающих.

Седален, глас 8:

Небесных начальниче и первостоятелю высокопрестольных и страшных Божественных славы, Михаиле Архистратиже, Ангелом чиноначальниче, со всеми безплотными, Емуже служиши Владыце, о всем мире непрестанно молися и испроси оставление грехов, и милость и благодать обрести в день судный.

Слава, и ныне:

Богородицен:

В пучину люте впад уныния, от множества лукавых и беззаконных ми дел, приидох в недоумение, и отчаянием ныне одержуся: Владычице Богородице, Ты мя спаси, Ты ми помози: грешных бо Ты еси очищение и чистота спасительная.

Крестобогородицен:

От чистых кровей Твоих воплощася, и паче ума из Тебэ, Чистая, рождшагося, на древе висяща по среде злодею зрящи, утробою болезновала еси и матерски плачущи вопияла еси: увы мне, Чадо Мое, что есть Божественное и неизреченное смотрение Твоэ, имже оживотворил еси создание Твоэ; пою Твоэ милосердие.

Песнь 4

Ирмос: Всел еси на кони апостолы Твоя, Господи, и приял еси рукама Твоима узды их, и спасение бысть еждение Твоэ верно поющим: слава силе Твоэй, Господи.

Всел еси на Ангелы, якоже на кони, Человеколюбче, и приял рукою Твоёю вожда их, и спасение бысть еждение Твоэ верно Ти вопиющим: слава силе Твоэй, Господи.

Покрывает Ангелы добродетель Твоя, Безсмертне, и земныя исполняет концы Твоёго славнаго, Безначальне, Божественнаго хваления: с нимиже Тебэ вопием: слава силе Твоэй, Господи.

Изшел еси, Щедре, на спасение людем Твоим, Христэ: созываеши же други, силы Твоя, и веселие бысть во спасении Твоём безвещным, вопиющим: слава силе Твоэй, Господи.

Богородицен:

Дева и Мати паче естества явилася еси, Пречистая, яко Бóга, Тогоже и Человека Христа родила еси, от Ангел хвалимаго: людей Твоих печаль переложил на радость молитвами Твоими.

Песнь 5

Ирмос: От нощи неведения Боговедением просветивый концы, просвети мя утром человеколюбия Твоёго, Господи.

Невозвратным желанием всегда к высоте, Христэ, носими, крайнее всех желание, ангельския силы непрестанно славят.

Ты разумная по существу, нетленная благодатию Твоею, Христэ, поставил еси певцы Твоему величеству, Ангелы Твоя по образу соделав, Непостижимо.

Ты непреклонна на горшая, к Тебэ приближением, Христэ, сохранил еси Твоя слуги: источник бо благодати Ты еси, благодворя достойно Ти служащим.

Богородичен:

Умерщвленную мою душу страстьми мерзкими, Всенепорочная, оживи, животу Хранителя рождши, и к стезе вечней и блаженному житию устреми.

Песнь 6

Ирмос: Иону в ките, Господи, единого вселил еси, мене же связанного мрежами вражими, яко от тли онаго, спаси.

Боголепно от несущества, Господи, словом привел еси существа Небесных, Безсмертне, воинств, световидны сих соделовая.

Служителие честнии Божия хваления бысте, безплотнии, граждане Небеснии, и Божественная воистину скиния, Творцу достойно служаще.

Богородичен:

Всепетая, Света породши, всем свет дающего, тму моих прегрешений, Чистая, от жени Матерними Твоими к Нему молитвами.

Кондак, глас 2:

Архистратизи Божии, служителие Божественныя славы, Ангелов начальницы и человек наставницы, полезное нам просите и велию милость, яко безплотных Архистратизи.

Икос:

Рекл еси, Человеколюбче, в писаниих Твоих, множеству радоватися Ангел о человеце едином кающемся, Безсмертне: тем и мы в беззакониих суще, безгрешне Едине Сердцеведче, Тя молиши всегда дерзаем яко благоутробнаго, ущедрити нас и послати недостойным умиление, Владыко, и подати нам прощение грехов: о всех бо нас молятся Тебэ, яко безплотных Архистратизи.

Песнь 7

Ирмос: Отроцы еврейстии в печи попраша пламень дерзновенно и на росу огонь преложиша, вопиюще: благословен еси, Господи Бже, во веки.

Светы явил еси, щедре, Ангел Твоих невещественное существо, неизреченнаго света исполняемы, непрестанно зовущия: благословен еси, Господи Бже, во веки.

Емуже предстоят непрестанно служаща тмы ангельския, лица же зрети не терпят Божества: благословен еси, зовуща, Бже, во веки.

Словом Твоим ипостасным, Господи, ангельское естество соделал еси, освятив же Божественным Духом, Троицу богословити научил еси, Бже, во веки.

Припев: Пресвятая Троице, Бже наш, слава Тебэ.

Богородичен:

Три убо зряще сущия Ипостаси, неописанное славим Существо, Отца́ и Слова со Духом, вопиюще: благословен еси́, Гóсподи Бóже отéц нáших.

Песнь 8

Ирмос: На горе святей прославльшася и в купине огнем Приснодéвы Моисеови тайну явльшаго, Гóспода пойте и превозносите во вся веки.

Ангельскому поревнуем житию и разум вперим к высоте, и с ними невещественно воспоем Гóспода и превозносим во веки.

Ликовственницы лика Небеснаго, иже Престол обстояще славы, о Бозе всегда обращаеми, Ангели поюти славословят во вся веки.

Невещественна огня творящей пламы, на высоте непрестанно служащих, и Ангелы духи являющей Троице поклоняемся и славословим во вся веки.

Богородичен:

Иже во утробу всельшася Дéвы, и от Сея странно и выше слова, древняго Адама наздавши, Гóспода поем и славословим во веки.

Песнь 9

Ирмос: Уставы прешла еси́ естества, Содетеля заченши и Гóспода, и дверь спасения мирови была еси́. Тем Тя, Богородице, непрестанно величаем.

Тя, неизреченно совокупившаго Небесным, Христé, земная, и едину Цéрковь совершивша Ангелом и человеком, непрестанно величаем.

Ангели и Архáнгели, Престоли, Власти же и Господствия, Начала и Силы, и Херувíми и Серафими, с Богородицею о мире молитесь.

Троицен:

Тя, Троице, славим, от небытия вся сотворившую, и чины ангельския украсившую, и Бóжественными зарями просветившую концы.

Богородичен:

Радуйся, святая Богоневесто, радуйся, Свет мирови рождши верным, радуйся, стено и Покрове всех нас. Бóга, я́ко Благодателя, за ны непрестанно моли.

Канон всем святым

Тропарь, глас 4

Бже отец наших, творяй присно с нами по Твоей кротости, не остави милость Твою от нас, но молитвами их в мире управи живот наш.

Кондак, глас 8

Апостол проповедание, и отец догматы, Церкви едину веру запечатлеша, яже и ризу носящи истинну, истканну от еже свыше богословия, исправляет и славит благочестия великое таинство.

Глас 8. Песнь 1

Ирмос: Песнь возснем людие чудному Богу нашему, свободившему Израиля от работы, песнь победную поюще и вопиюще: поем Тебе Единому Владыце.

Припев: Все святии, молитвe Бoга о нас.

Пророческий соборе, апостольское сословие, мученик воинства, Владыку всех молитвe спастися мне, прегрешении многими обдержимому.

Иераршеский соборе, преподобнии и праведнии вси, благ вечных улучшить молитвeся, верую вас блажащим.

Слава: Всех святых Твоих, Господи, воспеваем чини, яко молитвами их озаряеши души наша: Ты бо еси Свет непреступный, неведения мрак отгоняяй, присносущными Твоими светлостями.

И ныне: Пресвятая Дево Мати, яже Бoга, Пресвятое Слово, родила еси, освяти всех верую Тя со всеми святыми славящих, молимгся.

Песнь 3

Ирмос: Ты еси утверждение притекающих к Тебе, Господи, Ты еси Свет омраченных, и поет Тя дух мой.

Священнейший лик вас Божественных пророк величаем, и мученик множество, пострадавших крепко, почитаем молящися: да юже славу получите, сея и мы причастницы быти сподобимся вашими молитвами.

Святейшии Христовы иерарси, и честнии преподобных собори, со всеми святыми о всех нас Человеколюбца Бoга молитвe, молим вы.

Слава: Закону повинующеся Твоему, угодников Твоих собори, многообразными добродетельми осветишася: сего ради наследницы быша обителей

Твоих Небесных, Владыко Царю: ихже молитвами, да и нас таможе вселиши, Премилостиве.

И ныне: Богорадованная Чистая, со всеми пророки, мудрыми, апостолы, священномученики и со всеми праведными, моли Господа, яко да совершенное разрешение прегрешений приемем.

Песнь 4

Ирмос: Услышах, Гбсподи, смотрения Твоего таинство, разумех дела Твоя и прославих Твое Божество.

Восхваляем вас, благоглаголивии пророцы, и воспеваем боговидцы апостоли, со всеми добре о Господе течение совершавшими: яко да молитвами вашими и мы настоящего жития течение богоугодно совершити возможем.

Яко многосветлыя звезды, добродетелей светлостию озаряете верных исполнения, преподобнии отцы наши, и вси Божии угодницы: сего ради вас ублажаем.

Слава: Совокуплься собор святых Твоих, Гбсподи, ради любве, и тоя наслаждающися, со Ангелы ликует о Тебе, Всевидче Гбсподи всех: егоже ликовствования да и нас сподобиши, молитвами угодников Твоих, Всесильне.

И ныне: Едина Бга Воплощенного рождши, Всесвятая, Того умоли в день страшный всех нас спасти, и жизни вечныя, и света сподобити, егоже зрят вси добре угодившии.

Песнь 5

Ирмос: Утренююще вопием Ти, Гбсподи, спаси ны: Ты бо еси Бог наш, разве Тебе иного не вемы.

Святителие, пророцы, преподобнейшии отцы и богоносцы, лучами Духа просвещающе всю тварь, тму разорайте страстей наших, молим вы.

Раны ваша и язвы, врагу явишася язвы неисцельныя: язвы же ныне исцеляют всем верным, страдальцы Господни.

Слава: Иерархи Твоя, и священномученики, и вся святыя просветивый, Гбсподи, тех молитвами ущедри мя, ведый безмерная моя прегрешения.

И ныне: Пречистая Дево, похвало мучеников, преподобных и праведных, и всех святых, от всякаго мучительства лукаваго изми мя, молюся.

Песнь 6

Ирмос: Ризу мне подаждь светлу, одеяйся светом яко ризою, Многомилостиве Христэ Бже наш.

Денница светозарная познани бысте на земли, благочестия светом озаривше верныя, преславнии Христовы оружницы и святителие праведнии.

Умерщвлени бывше ран многих наведеньми, жизнь истинную наследовасте: вкупе молитве Христэ спасти вся верныя, святии мученицы.

Слава: Слава премудрым святителем, и преподобным, и всем святым, Ты еси, Христэ: молитвами их люди Твоя ущедри, ихже Своею кровию, яко Человеколюбец, стяжал еси.

И ныне: Воспеваем Тя вернии, Богородованная Владычице: Препетаго бо Бга родила еси. Егоже моли, Пречистая, граду и людем Твоим в мире спастися.

Кондак, глас 8

Яко начатки естества Насадителю твари, вселенная приносит Ти, Гбсподи, богоносныя мученики: тех молитвами в мире глубоце, Цёрковь Твою, жительство Твоё, Богородицею соблюди, Многомилостиве.

Икос:

Иже по всей земли мучившиися, и на Небеса преселившиися, иже страсти Христовы подражавшии, и страсти наша отъемлющи, zde днесь собираются, перворожденных показующе Цёрковь, яко горняя образ содержащу, и Христу вопиюще: Бог мой еси Ты, Богородицею соблюди мя, Многомилостиве.

Песнь 7

Ирмос: Отроцы благочестивии в Вавилоне образу златому не поклонишася, но по среде огненных печи орошаеми, песнь воспевашу, глаголюще: превозносимый отцев и нас, Бже, благословен еси.

Святых чини, во святых почивающаго немолчно восхваляюще, пиши небесныя наслаждаетеся, и радующесе ликуете поюще: отцев наших Бже, благословен еси.

Светозрачнии святителие, и преподобнии, и пророцы, и священномученик досточудное множество, и в постничестве просиявшии светло, присно о нас молитесе, да помиловани будем, поющии с вами: отцев наших Бже, благословен еси.

Слава: Радующесе поем Твоих, Гбсподи, всех святых собор отсюда собравшихся, и роды вкупе, и достоинства, и жительства, и с ними поем зовуще: отцев наших Бже, благословен еси.

И ныне: Смученики, Пречистая, с преподобными отцы, с пророки и всеми святыми, во святых Единого Почивающаго умоли всех освятити нас, славословящих Тя во вся веки.

Песнь 8

Ирмос: Богоглаголиви отроцы в печи, со огнем пламень попирающе пояху: благословите дела Господня, Гбспода.

Святителие, пророцы, апостоли, мученицы и вси святии, подвиг скончавше, священное улучисте водворение со Ангелы: с ними же просите очищения всем нам и велия милости.

Умертвивше плоть болезнями многими, жизни сподобистесе будущия, преподобнии: юже получитьи и нам молитесе, угодницы Бжии, молим вы.

Слава: Священницы Твои, Христё, правдою облечени преподобне и вси святии от века, ныне купно радуются, Твою доброту зряще Бжественную яснейше: юже зрети и нас, ради святых Твоих предстательства сподоби, Человеколюбче.

И ныне: Богородительнице Чистая, со всеми пророки, и мученики, и преподобными, священномученики и со всеми святыми, ущедрити нас Всемилостиваго Спаса моли, молимтися.

Песнь 9

Ирмос: Воистину Богородицу Тя испове дуем, спасеннии Тобою, Дево Чистая, с безплотными лики Тя величающе.

Вас, священнодейственни и пастырие, пророк святых лик, праведных безчисленное множество, мученик собор, постников, девственников и всех святых, священными песнями ублажаем, да молитесь всех Владыку о спасении душ наших.

Яко служителие Владыце, священнотаинницы явльшеся, совокупистесь служителем небесным: с нимиже о нас моления приносите, молим вас.

Слава: Со священномученики купно, и со всеми пророки, ублажаем вся преподобныя и праведныя, девы и жены светло доблествовавшия: тех мольбами, Христэ, избави геенны души наша.

И ныне: Щедролюбиваго Бѣга рождаша плотию, со святыми всеми моли Того присно от бед спасти нас, всегда Тя величающих, Мати Дево Чистая.

Молитва

Бѣже святыи и во святых почиваяи, трисвятым гласом на небеси от Ангел воспеваемый, на земли от человекво святых Своих хвалимый, давый Святым Твоим Духом коемуждо благодать по мере дарования Христова, и тою поставивый Церкви Твоей Святей овы апостолы, овы пророки, овы же благовестники, овы пастыри и учителя, ихже словом проповеди, Тебѣ Самому действующему, вся во всех мнози совершишася святии, в коемуждо роде и роде, различными благодетельми благоугодившии Тебѣ, и к Тебѣ, нам образ добрых подвигов своих оставивше, в радости пришедшии, готови, в немже сами искушени быша, и нам напаствуемым помогати. Сих святых всех и (*имя святого*) воспоминаи и их богоугодное похваляи житие, Тебѣ Самаго, в них действовавшего и еже хотети, и еже творити, похваляю, и оных благотворения, Твоя дарования быти веруя, прилежно молю Тя, Святе святых: даждь ми, грешному, последовати их учению, житию, любви, вере, долготерпению, и их молитвенным пособием, паче же Твоею вседействующею благодатию, небесныя с ними сподобитися славы, хваляще пресвятое имя Твое, Отца и Сына и Святаго Духа во веки. Аминь.

Канон общий пророку единому

Тропарь, глас 2

Пророка твоего имярек память, Господи, празднующе, тем ты молим: спаси души наша.

Величание

Величаем тя, пророче Божий (имя – рек), и чтим святую память твою: ты бо молиши за нас Христа Бога нашего.

Глас 6. Песнь 1

Ирмос: Яко по суху пешешествова в Израиль, по бездне стопами, гонителя фараона видя потопляема, Богу победную песнь поим, вопияше.

Припев: Святыи пророче Божий (имярек), моли Бога о нас.

Тя молим, пророче, Божию престолу предстояща, моли прилежно, просвещение даровати нам, верою честною поющим память твою.

Орган божественный явился еси, вмещающ Божественнаго Духа просвещений и даров (имярек), всеумудре: тем радуящися вернии тя ублажаем.

Спасителю Богу пророчески предстоя, ныне со дерзновением молися, свещательными лучами просвещати верою, богодохновенне, тя блажащия.

Богородичен:

Светлейшими зарями всю землю, возсиявшее солнце из святого чрева

Твоего, озаряет, Владычице: имиже просвещшися, Тя, Божию Матерь, почитаем.

Песнь 3

Ирмос: Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Вся видяй яко Бог, будущих знание, и хотящих быти ведение, тебе явленно проявляет боголепно и показывает, блаженне досточудне.

Вжилив, блаженне, твой ум благочестным дерзновением, Духу Божественному подклонил еси тебе, и был еси приятен тамо сущих Божественных дохновений.

Вод таинственных река, из пучины происходя, даров Духа, боговещателю, был еси.

Богородичен:

Се Ты вси роди блажатверою, безлетное Слово плотию в лето рождшую преестественно, и Деву паки пребывшую.

Седален, глас 6:

Очистив от скверн ум, всеумудре, зеркало божественное соделал еси, луч приятно Божественнаго Духа: и ныне ко источнику радуяся отшел еси сияний, пророче (имярек).

Сла́ва, и ны́не:

Богороди́чен:

Преславную Божию Матерь, и святых Ангел Святейшую, немолчно воспоемсердцем и усты, Богородицу сию исповедающе, яко воистину рождшую Бога воплощенна, и молящуюся непрестанно о душах наших;

Крестобогороди́чен:

Нас ради распятого, приидите вси воспоем. Того бо виде Марианадреве, и глаголаше: аще и распятие терпиши, ты еси Сын и Бог мой.

Песнь 4

Ирмос: Христосмоя сила, Бог и Господь, честная Церковь боголепно поет зывающи, от смысла чиста, о Господе празднующи.

Всех Господь нам явися, по пророчеству, блаженне, твоему, вся призывая к познанию своему, и работы свободы. Благодатию озарям, провозгласил еси глаголя: под иго едино подклоняющимся работати, последующим вере и Господу служащим.

Пророк сый, присно зарями светодательнаго блистания просвещаем, просвети ны, блаженне, любовьию поющия тя.

Богороди́чен:

Марие Всечистая, страстей смущение моего помысла, и напастей бурю разори, безстрастия источник рождши, милости Дево.

Песнь 5

Ирмос: Божиим светом Твоим, Блаже, утреннюющих Ти души любовьию озари молюся, Тя ведети, Слове Божий, истиннаго Бога, от мрака греховнаго зывающа.

От неправды к добродетели, и от страстей пленения мя, блаженне, обрати, твоими мольбами, пророче славне, и к свету благочестия дел управи.

Просветив твою душу добродетелей благообразиями, угодну показал еси к сиянием Божественнаго Духа: от него же и пророчества благодатию обогатился еси.

Пророк Божественный быв, чисто житие имея, и приятелище был еси Святаго Духа: тем зрети сподобился еси невидимо разумеваемаго.

Богороди́чен:

Возглашают пророческая речения, Пречистая, многими образы рождество Твое: ихжемыныне сбытие зряще, истинно Богородицу Тя возвещаем.

Песнь 6

Ирмос: Житейское море, воздвигаемое зря напастей бурейю, к тихому пристанищу Твоему притек вопию Ти: возведи от тли живот мой, Многомилостиве.

Прием, славне, Духа зари, явлением яко зеркало пророчества Божественного сияния, миру облистал еси, яко сущая пророчествуя будущая.

Твой прииде царь, радуйся, Сионе, и красуйся видя, и мир просвети блистаньми своего божества, идемонскую лесть посрами.

Силою Духа Божественного зрел еси, пророче, будущая, образы приемля Божественных явлений, яко в зеркале души светлостию.

Богородицен:

Плоти брэнней соединися, Иже из Отца Единородный, в ложеснах Твоих един из двух пройде без тления, соблюди неврежденно чистое девство Твое, Всепетая.

Кондак, глас 4

Просветившееся Духом чистое твое сердце, пророчества бысть светлейшаго приятелище: зриши бо яко настоящая далече сущая: сего ради тя почитаем, пророче блаженне (*имярек*) славне.

Икос:

Пророчества благодатию обогащяся, будущих разуму боголепно научился еси Духом, (*имярек*) богодохновенне, и предгаголеши всем Христово пришествие, и языков пребогате Божественное призвание. Темже честную твою память празднуем, и любовию поем тя, и верно ублажаем взывающе ти, славне: моли Христа Бога непрестанно о всех нас.

Песнь 7

Ирмос: Росодательну убо пещь содела ангел преподобным отроком, халде иже опаляющее веление Божие, мучителя увеща вопити: благословен еси, Боже отец наших.

Возсия память твоя, пророче, миру якоже солнце, озаряючи пророчества благодатию твоею, согласно поюция верно: благословен еси, Боже отец наших.

Тучнейший облак ты явился, тучу благоразумия нам возсиял еси, от спасительных, блаженне, источников, имиже просвещаемся вопити: благословен еси, Боже отец наших.

От Господа просвещени пророцы прорицают будущих разум, богомудренно взывают Слово, еже искони быти, Емуже поем: благословен еси Бог отец наших.

Богородицен:

Слово, древле еже быти подающее всем, Божественным хотением, воззвати восхотев человека, Чистая, в Твою вселися утробу, Благословенная, яже Бога плотию рождающая.

Песнь 8

Ирмос: Из пламене преподобным росу источил еси, и праведнаго жертву водою попалил еси: вся бо твориши, Христе, токмо еже хотети. Тя превозносим во вся веки.

Возложен весь Вседержителю, промышленности образом тайно научился еси, строительно языки наказуя: тем тя поем, пророче богоглаголиве.

Молебное пение Богу принеси о поющих тя, богоблаженне, и напастей разори смущение, да тя поем, пророче богоглаголиве.

Яко огонь во тме сидящим всем явился еси, Божественным светом богомудренно озаряя поюция верно Господа во веки.

Богородице:

Жизнодавца рождши Бѣга и Гѣспода, смертное губительство неударжное, устави́ла еси́,
Пречистая, сие умертвивши: тем Тя поем во вся веки.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.